




太平御覽


五十四



内閣文庫			
番號	漢	1842	
冊數	240	(54)	
函號	別	14	1







太平御覽卷第一百三十九

皇親部三

後魏

叙后事

魏神元寶皇后

文封皇后

桓維皇后

平文王皇后

昭成慕容皇后


獻明賀皇后

道武慕容皇后

道武劉皇后

明元姚皇后

明元杜皇后



太武赫連皇后

太武賀皇后

景穆閻皇后

文成馮皇后

文成李皇后

獻文李皇后

孝文林皇后

孝文廢皇后馮氏

孝文馮皇后

孝文高皇后

叙后事

後魏書曰魏故事將立皇后必令手鑄金人以成者為吉不成者則不得立也又世祖高宗緣保母劬勞之恩極尊宗之義雖事乖典禮而觀過知仁

魏神元竇皇后

後魏書曰神元竇皇后沒鹿回部大人賓之女賓臨終誠其二子速侯回題令其善事帝及賓卒速侯等欲因帝會喪為變語頗泄漏帝聞之知其終不奉順乃先圖之於是使勇士於中營辰起以佩刀殺后馳使告速侯等言曰后暴崩速侯等驚走赴因執而殺之

文封皇后

後魏書曰文帝皇后封氏生桓穆二帝后早崩桓帝乃立喪高宗初穿天淵池獲一石銘稱桓帝葬母氏遠近赴會

二十餘萬人有司以聞命歲之太廟次妃蘭氏生二子長子曰藍早卒次子思帝也

桓維皇后

後魏書曰桓帝后維氏生三子長子普振次惠帝次煬帝平文崩后攝國事將人謂之曰女國后性猛忌平文之崩后所為也

平文王皇后

後魏書曰平文王皇后氏廣寧人乎十三因事入宮得幸於平文生昭成在襁褓時國有內難將害諸皇子后匿帝

於袴中惧人知祝曰若天祚未終者汝便無聲遂良久帝不得免於難烈帝之崩國祚殆危丹復大業后之力也十八年崩葬雲中金陵太祖即位配饗太廟

昭成慕容皇后

後魏書曰昭成皇后慕容氏慕容天真之女也有寵生獻明帝及恭明王后性聰敏多智沉厚善決斷專理內每事多從建國二十三年崩太祖即位配饗太廟

獻明賀皇后

後魏書曰獻明皇后賀氏父野干東部大人后少以容儀

選入東宮生太祖符洛之內梅也后与太祖及故臣民避
难北徙成而高車庵来抄掠后乘車与太祖避賊而南輅
失轄后惧仰天告曰国家胤胃豈正尔絕滅也唯神灵扶
助遂馳輸王不傾而見难其後劉頭使人将害太祖帝姑
為頭弟元遲妻知之密以告后后乃令太祖走之后夜飲
頭使醉之向晨故驚廐中群馬使起視馬后泣而謂曰吾
諸兇始皆在此今盡亡失汝等誰殺之也故頭不視急追
太祖至賀蘭部頭怒将害后后夜奔元喏家匿神車中三
日元喏舉室請救乃得免會劉頭部乱始得亡去皇始元

年崩時年四十六祔葬于盛樂金陵追尊謚配饗焉

道武慕容皇后

後魏書曰道武皇后慕容室之季女也中山平後入克掖
庭得幸左丞相衛王儀等奏請立后帝從群臣議后鑄金
人成乃立之告於郊庙封后母孟氏為溧陽君後崩

道武劉皇后

後魏書曰道武宣穆皇后刘春女也登國初納為夫人生
華陰公主後生明元后壽理內事寵待有加鑄金人不成
故不得登后位魏故事後宮產子將為儲貳其母皆賜死

太祖末年后以舊法薨太宗即位追尊謚號配饗太祖自此後宮子為帝母皆正位配饗焉

明元姚皇后

後魏書曰明元昭哀皇后姚弋女也弋封西平長公主太宗以后禮納之後為夫人后以鑄金人不成未昇尊位然帝寵幸之出入居處如后焉是後猶欲正位而后謙讓不當五年薨帝追恨之贈皇后璽綬而加謚葬雲中金陵

明元杜皇后

後魏書曰明元密皇后杜氏魏郡鄴人陽平王超之妹也

初以良家子選入太子宫有寵生世祖太宗即位拜為貴嬪太常五年薨謚密貴嬪葬雲中金陵世祖即位追尊號謚配饗太廟又立后廟子鄴刺史四時薦祀後甘露降於后廟庭高祖時相州刺史高閔表修后廟詔婦人外成理無獨祀陰必配陽以成天地未聞有萃之國立太妃之饗使罷祀先世祖保母竇氏初以夫家坐事誅与二女俱入宮操行純備進退以礼太宗命為世祖母性仁慈勤撫尊世祖感其恩訓奉養不異所生及即位尊為保太后後尊為皇太后員君元年崩時年六十三謚曰惠葬崞山從

音郭山從

后意也初后嘗謂左右曰吾於先朝本無位次不可違禮以從園陵此山之上可以終託故葬焉別立后寢廟於崞山建碑頌德

太武赫連皇后

後魏書曰太武皇后赫連氏屈丐女也世祖平統萬納后及二妹俱為貴人後立為皇后高宗初崩祔葬金陵

太武賀皇后

後魏書曰太武敬皇后賀氏代人也初為夫人生恭宗神嘉元年薨追贈貴嬪葬雲中金陵追加號謚配饗太廟

景穆閻皇后

後魏書曰景穆恭皇后郁久閻氏河東王毗妹也少選以入東宮有寵員君元年生高宗世祖末年薨高祖即位追尊號謚葬於雲中金陵是時高宗乳母常氏本遼西人太延中以事入宮世祖選乳高宗慈和履順有劬勞保護之功高宗即位為保太后尋尊為皇太后謂於郊廟和平元年崩謚昭葬於廣囿磨笄山俗謂之鳴鷄山太后遺志也

文成馮皇后

後魏書曰文成文明皇后馮氏父即泰雍二州刺史西郡

公母樂浪王氏生后於長安有神光之異即坐事誅后遂
入宮世祖昭儀后之姑也雅有母德撫養教訓年十四高
宗踐極以選為貴人後立為皇后高宗崩故事固有喪
三日之後御服器物一以燒焚百宮及中宮號泣而臨之
后悲叫自投火中左右救之良久乃蘇顯祖即位尊后為
皇太后丞相乙渾謀逆顯祖年十三居于諒闇太后密定
大策誅渾遂臨朝聽政及高祖生太后躬親撫養是後罷
令不聽政事太后行不政內寵李弈顯祖因事誅之太后
不得意顯祖暴崩時言太后為之也丞明元年尊號曰太

皇太后復臨朝聽政太后性聰達自入宮掖粗學書計及
登尊極省決萬機高祖詔曰朕以虛寡幼纂寶曆仰恃慈
明緝寧四海歆報之德正覺是憑者驚音傷生之類宜放
山林其以此地為太皇太后經始靈塔是時罷鷹師曹以
其地為報德佛寺太后于高祖遊于方山顧瞻川阜有終
焉之志因謂群臣曰舜葬蒼梧二妃不從豈必遠祔山陵
然後為貴哉吾百年之後神其安此高祖乃詔有司營建
壽陵於方山又起來固石室將終為清廟焉刊石立碑頌
太后功德太后以高祖富於春秋乃作勸戒歌三百餘章

又作皇誥十八篇太后又制內屬五廟之孫外戚本親總
麻皆受復除素儉性不好華飾躬御縵繒而太后多智略
猶忌能行大事是以威福兼作震動內外故王遇張祐符
丞祖等拔自微闕歲中而至王公王督出入卧內數年之
間便為宰輔賞貴財帛以千萬億計金書鐵券許以不死
之誓李冲雖以器能任亦由見寵帷幄密加賜賚不可勝
數太后曾于高祖幸靈泉池醺群臣以及蕃國使人諸方
渠師各令為其舞高祖率群臣上壽於太后忻然自歌
高祖亦和歌遂命群官各言其志於是和歌者九十人太

后外禮民望元不一游明根等頒賜金帛輿馬每至褒美
獻等皆引丕等而參之以示無私也十四年崩於太和殿
年四十九其日有雌雉集于太華殿高祖酌飲不入口五
日殷慕過禮謚曰文明太皇太后葬於永固陵高祖毀瘠
絕酒肉不內御者三年初高祖孝於太后乃於永固陵東
北里餘營壽宮有終焉瞻望之志及遷洛陽乃自表瀍西
以為山園之所而方山靈宮石室至今猶存號曰千年堂

文成李皇后

後魏書曰文成皇后李氏梁國蒙縣人也頻立王峻之妹

也后之生也有異於常父方叔恒云此女當大貴及長姿質麗也祖南征永昌王亡出壽春軍至后宅內得后及仁鎮長安遇事誅后与其家人送平城宮高祖登白樓望見之謂左右曰此婦人佳乎左右咸曰然乃下臺后得幸於齋庫中遂有娠常侍太后後問后云為帝所幸乃有娠時守庫者亦私壁記之別加驗問皆相時同生顯祖拜貴人薨後謚曰元皇后葬金陵配饗太廟

獻文李皇后

後魏書曰獻文思皇后李氏中山安壽人南郡王惠之女也

姿德婉淑年十八選入東宮顯祖即位為夫人生高祖皇興三年薨二下莫不悼惜葬金陵丞明元年追崇號謚配饗太廟

孝文林皇后

後魏書曰孝文貞皇后林氏平京人叔父金閭起自閭官有寵於帝太后位至尚書射平涼公金閭兄勝為平涼太守金閭顯祖初為定州刺史未幾為乙渾所誅兄弟皆死勝無子有二女入掖庭后容色美麗得幸於高祖生皇子恂音荀將為儲貳太和七年后依舊制薨謚曰貞皇后葬金

陵及恂以罪賜死有司奏廢后為庶人

孝文廢皇后

後魏書曰孝文廢后馮氏太師熙之女也太和十七年立為后高祖遵經典礼后及夫人嬪已下接御皆以次進車駕南伐后留京師高祖又南伐后率六宮迁洛陽及后父熙兄誕薨高祖為書慰以叙哀情及車駕还洛恩遇甚厚高祖後重引后姊昭儀至洛稍有寵后礼愛漸衰昭儀自以年長旦暮入宮掖素見待念輕后而不率妾礼后雖性不姑忌時有愧恨之色昭儀規為内主讚構百端尋詔廢

為庶人后貞謹有德操遂為練行尼

孝文馮皇后

後魏書曰孝文幽皇后亦馮熙女也母常曰我本微賤得幸於熙元妃公主薨後遂主家事生后与北平公風文明太皇太后歆家世貴寵乃簡熙二女俱入掖庭時年十四其一早卒后有姿媚見愛幸未幾疾病文明太后乃遣還家為尼高祖猶留念焉歲餘而文明太后崩高祖服終後頗存訪之又聞后素疾痊除遺璽書勞問遂迎赴洛陽及至寵愛過本專寢當夕宮人稀復進見拜為左昭儀後立

為皇后後高祖頻歲南征后遂与閹官高菩薩私乱及高祖
在汝南不豫后使公然醜恣中常侍雙蒙等為其心腹中
常侍符劇鵬諫而不從憤懼致死是時彭城公主宋王劉
昶子婦也年少釐居北平公為威后之同母弟后求婚於
高祖高祖許之而公主志所不願后欲強婚之有日矣公
主密与侍婢及家僮十餘人乘輕車冒霖雨赴懸瓠奉見
高祖自陳本意因言后与菩薩乱状高祖聞因駭愕未之
全信而祕匿之惟彭城王侍疾左右乃具言其事此後后
漸憂懼与母常氏求託女巫禱厭無所不至願高祖疾不

起一旦得如文明太后輔少主称令者許賞報不賞音乃
取三性宮中妖祠假言祈福專為祖道高祖自豫州北幸
鄴后慮還見治檢彌懷危怖驟令閹人託參起居皆賜之
衣裳慙慙託寄勿使漏泄亦令雙蒙充行皆其信者也唯
小黃門蘇興壽密陳谷曲高祖問其本来勅以勿泄至洛
執問菩薩雙蒙六人迭相證舉具得情状高祖卧含温室
夜引后并列菩薩等於戶外后臨入令閹人搜衣中稱有
寸刃便斬后頓首泣謝乃賜坐東楹去御筵二丈餘高祖
令菩薩等陳状讓后曰女母天術可具言也后乞屏左右

有所密咨高祖勅中侍悉出唯令長秋卿白整在側后猶
不言高祖乃令以綿堅塞整耳小語呼整再三無所應乃
命后言事隱人莫知之高祖乃呼彭城北海二王令人坐
言昔是爾嫂今乃他人俱入勿避二王固辭不獲命及入
高祖云此老嫗乃欲白刃捶我助汝可窮問本末白有所
難高祖深自引過致愧二王又云馮家女不能復相廢遂
且使在宮中空坐有心乃能自死汝等勿謂吾猶有情也
高祖素至孝猶次文明太后故妹便行廢良久二王出乃
賜后辭決再拜稽首泣涕欬歔令宿東房高祖疾甚謂彭

城勰曰後宮久乖陰政自絕于天后不早為之所恐成難
末故事吾死之後可賜自盡別宮可葬以后禮庶掩為門
之大過高祖崩北海王祥奉宣遺旨長秋卿白整等入授
后藥后走呼不肯飲決執持強之乃含椒而盡殯以后禮
謚曰幽后長陵宮內

孝文高皇后

後魏書曰孝文昭皇后高氏司徒公肇妹也父颺母蓋氏
凡四男三女皆生於東裔高祖初乃舉室西歸達龍城鎮
表德色婉艷任克宮掖及至文明太后親幸北部見后姿

貌奇之遂入掖庭年十三初后之幼也曾夢在堂內立而
光自窓中照之灼而熟后東西避之光猶斜照不已之是
數夕后自恠之以白其父颺以問遼東人閔宗曰此奇
徵也貴不可言颺曰何以知之宗曰天日者君之德帝王
之象也光照女身將被帝命誕育人君之象遂生世宗後
生廣平王懷次長樂公主及馮昭儀寵盛密有母養世宗
之意后自代如洛陽暴薨於汲郡之共縣或云昭儀遣人
賊后也世祖之為皇太子三日一朝幽后遂撫念慈愛有
加親櫛沐母道隆備其後有司奏請加謚曰貴人高祖從

之世宗賤祚追尊配饗肅詔曰文昭皇太后德協冲儀美
符大姒作合高祖實誕英聖而夙世論暉孤瑩弗祔先帝
孝感自稟迂奉未遂求言哀恨義結幽明麻呂尊薄礼申
漢代又詔曰文帝昭太后尊配高祖廟定號從令迂奉自
然及始太后當生可更上尊號稱太皇太后

初開終寧陵數丈於梓宮上獲大蛇長丈餘黑色頭有王

字螫而不動靈視迂還置蛇舊處

太平御覽卷第一百三十九

太平御覽卷第一百四十

皇親部六

魏宣武于皇后

宣武高皇后

宣武胡皇后

孝明胡皇后

西魏

孝武高皇后

文帝乙弗后

郁久間后

廢帝宇文后

恭帝若于后

東魏孝靜高皇后

後周

文元皇后

文叱奴后

閔元后

明獨孤后

武阿史那后

孝李后

宣揚后

宣朱后

宣陳后

宣元后

宣尉遲后

靜司馬后

隋文獨孤皇后

宣華夫人

煬帝蕭皇后

後魏宣武皇后

後魏書曰宣武皇后于氏太尉烈弟勁之女也世宗始親政事烈時為領軍總心膂之任以嬪御未備因左右諷論稱后有容德世宗乃迎入為貴人時年十四甚見寵愛立為皇后謁于太廟后靜默寬容性不妬忌生皇昌三歲夭沒其后暴崩宮事秘莫能知悉而世議歸咎于高夫人葬永太陵謚曰慎皇后

宣武高皇后

後魏書曰宣武高皇后文昭帝姬之女也世宗納為貴嬪

生皇子早夭又生建德公主後拜為皇后甚見禮重性妬
忌宮人稀得進御及肅宗即位謚尊號曰皇太后尋為尼
居瑤光寺非太即慶不入宮中建德公主始五六歲靈太
后恒置左右撫愛之神龜元年太后出覲母武邑君時天
文有變靈太后歆以太后當禍是夜暴崩天下怨之喪还
瑤光佛寺葬殯皆以尼禮世宗暮年高后悍音翰忌夫人殯
御有崩不蒙侍接者由是在洛二世二十餘年望太子全
育惟肅宗而已

宣武胡皇后

後魏書曰宣武靈皇后胡氏安定臨涇人司徒國珍之女
后母皇甫氏產后之曰赤光四照京兆北山縣有趙胡者
善於卜相國珍往問之胡云賢女有太貴之表方為天地
母在天地王勿過三人知也后姑為尼頗能諸道世宗初
人講禁中積數世諷左右稱后姿行世宗問之乃召入掖
庭為承華世婦而椒庭之中以國曰制相与祈祝皆願生
諸五公主不願生太子也惟后每謂夫人等言天子豈可
獨有兒子何緣畏一身之死而令皇家不育家嫡乎及肅
宗在孕同列猶以故事相恐勸為諸計后固意確然幽夜

獨誓云但懷是男次弟當長子生身死所不辭也既誕肅宗進為克華嬪先是世宗頻喪皇太子自以春秋長矣深加慎護為擇乳母皆取良家宜子者養於別宮皇后及克華嬪貴莫得而撫視焉及肅宗踐祚尊后為皇太妃後尊為皇后臨朝聽政猶稱殿下令以行事後改令稱詔群臣上書曰陛下自稱曰朕太后以行事後改令稱詔群臣肅宗冲幼未堪親祭歆傍周禮夫自人于君交獻之義代行祭祀訪尋故式門下召礼官博士議以為不可而太后歆以作帳自鄣觀三公行事至門侍中崔光光便據漢和熹

鄧后

熹

薦祭故事太后大悅遂攝行祠祝太后性聰悟多

才藝姑為尼幼相依託略佛經大義親覽万機手筆斷決幸西林園法流堂命侍臣射不能射者罰之又自射針孔中之大悅賜左右布帛有差先是太后勅造申訟車時御馬出自雲龍大司馬門從宮西而北入自秋千門以納寃訟又親策孝秀州郡計吏於朝堂太后与肅宗幸華林園宴群臣于都亭曲水令王公以下賦七言詩太后詩曰化光造物含氣真肅宗詩曰恭已無為賴慈英王公以下賜帛有差太后父薨百寮表請公除太后不許尋幸永寧寺

觀建刹於九級之基僧尼士女赴者數萬人後幸左藏公
主嬪女已下從者百餘人皆任令力負布絹即以賜之幸
關口溫水登鷄頭山自射象牙簪一發中之勅示文武時
太后得志逼幸清河王懌媼亂肆情為天下所惡領軍元
又長秋卿劉騰等奉肅宗於顯陽殿幽太后於北宮於禁
中懌懌自劉騰死又又寬急太后与肅宗及高物陽王雍
為計解又領軍太復臨朝大赦改元自是朝政踈緩威恩
不立天下牧守所在貪恠音鄭儼寵私宮掖勢傾海內李
神軌徐紇並見親待一二年中仁總禁要手握王爵輕重

在心室淫於朝為四方之所厭穢文武懈体所在亂述土
崩魚爛始於此矣及武太元年余朱榮稱兵渡河太后及
召明帝六宮皆令入道太后亦自落髮榮道騎狗送太后
及幼主河陰太后對榮多所陳說榮拂衣而起太后及幼
主並沉於河水太后妹馮翊君收瘞於雙灵寺武帝時始
葬以后禮而追加謚焉又曰灵太后頗事莊飾數出遊幸
元順面諍曰礼婦人夫喪自称未亡人有去珠珥音衣不
被綵陛下母臨天下年垂不感過修容飾何以示後世灵
太后慙而還入召順責曰千里相徵豈欲衆見辱也順曰

陛下盛服炫容不畏天下所笑何恥臣之一言乎

孝明胡皇后

後魏書曰孝明胡皇后灵太后從兄冀州刺史盛之女也
灵太后欲榮重門族故立為皇后肅宗頗在酒德專嬖克
華潘氏及嬪御並無過寵太后為肅宗選納仰屈人流時
博陵崔孝芬女范陽盧道約女隴西李瓚等女俱為世婦
諸人訴訟咸見忿責武太初后既入道遂居於瑤光寺焉

西魏孝武高皇后

後魏書曰孝武皇后高氏齊神武長女也帝見立乃納為

后及帝西幸閔中降為彭城王妃

文帝乙弗后

後魏書曰文帝文皇后乙弗氏河南洛陽人也其先世為
三谷渾渚師居青海號青海王凉州平后之高祖莫懷擁
部洛入附拜定州刺史封西平公自莫懷後三世尚公主
女乃多為王妃甚見貴父瑗儀同三司兗州刺史母淮陽
長公主孝文之弟四女也后美容儀少言笑年數歲父母
異之指示諸親曰生女何妨也若此者實勝男年十六文
帝納為妃及帝即位以大統元年冊為皇后后性好節儉

蔬食故衣珠玉羅綺絕於服玩又仁恕無嫉妬之心帝益
重之生男女十二人多早夭唯太子及武都王戍存焉時
新都關中務欲東討蠕蠕音軟寇邊未遑北伐故帝結婚以
撫之於是更納悼后命后遜居別宮出家為尼悼后猶懷
猜忌復徙后居秦州依子秦州刺史武都王帝雖限大計
思好不忘復密令養髮有追還之意然事秘禁外無知之
者春蠕蠕奉兵因渡河前馳已過而頗有言虜為悼君
之故與此役口豈有百万之衆為一女子奉也雖然致此
物議朕亦何顏以見將帥見將帥侍曹寵賫手勅令后

自及后奉勅揮淚謂寵曰願王萬子千萬歲天下康寧死
無恨也因命武都王前与之快遺語皇太子薛皆悽愴因
慟哭久之侍御咸垂涕失声莫能仰視召僧設供令侍婢
收一人家手為落髮事畢乃入室引被入自覆而崩年
三十一鑿麥積崖為合龍而葬神柩將入有二聚雲入先
龕中頃之一滅一出後號寂陵及文帝山陵畢手書云萬
歲後欲令后配饗公卿乃議追謚曰文皇后祔於太廟廢
帝時合葬於永陵

郁久間后

後魏書曰文帝悼皇后郁久閭氏蠕蠕王阿那瓌之長女
容貌端嚴夙有成智大統初蠕蠕屢犯北邊文帝乃于通
好結婚扶風王孚受使奉迎蠕蠕俗以東為貴后之來營
幕戶席一皆東向車七百乘馬万匹駝千頭到黑鹽池魏
朝鹵簿文物始至孚奏請正南面后曰我未見魏王故蠕
蠕也魏伏向南我自東面孚無以辭四年正月至京師
六年皇后時年十四六年後懷孕將產居於瑤華殿聞上
有狗吠声心甚惡之見婦人盛飾來至后所后謂左右
曰此為何人豎正傍侍悉不見者時以為文后之灵產訖

而崩年十六葬於少陵原十七年合葬永陵當會橫橋北

后梓宮先至鹿苑帝輶

音輶音京

後來時就次所軸拆不進

西魏廢帝宇文后

後魏書曰廢帝皇后宇文氏周文帝女也后初產之日有
雲氣滿室芬氣久之幼有風神好陳列女圖置之左右周
文曰每見此女良慰人意廢帝之為太子納為妃及即位
為皇后志操明秀帝深重之專寵後宮不置嬪御帝既廢
崩后亦忠於魏室懼禍

恭帝若于后

後魏書曰恭帝皇后若于民司空長樂公正惠之女也有
容色恭帝納之為妃及即位立為皇后後出家為尼在佛
寺葬竟無謚

東魏孝靜高皇后

後魏書曰孝靜高皇后齊獻武王之第二女也天平四年
詔嫂以為皇后前後固辭帝不許兵和初詔侍中司空孫
騰司空公襄城王旭一云兼尚書令司州牧西河王恂藏上
兼太常卿及宗正卿元孝支等奉詔致禮拜備宮官侍衛
以后駕迎於晉陽之丞相第五月立為皇后大赦天下齊

受禪降為山王妃

後周文元皇后

後周書曰文元皇后魏孝武妹初封平原公主適開府張
歡遇后無礼帝殺歡改馮翊公主以配太祖生孝閔薨祔
葬成陵

文叱奴后

後周書曰文叱奴后太祖為丞相納后為姬生高祖高祖
即位後尊為皇太后建德三年三月己酉崩四月丁巳葬
固陵

閔元后

後周書曰閔元皇后名胡摩魏文帝第五女也封晉安公主愍帝為洛陽公尚馬及踐祚立為皇后帝被廢后出俗為尼高祖誅晉公護上帝尊號為愍帝以后為孝愍皇后號崇義宮隋氏革命出居里第大業十二年殂

明獨孤后

後周書曰明獨孤后太保衛公之長女也帝在藩納為夫人帝即位立為皇后在位數日崩葬昭陵世宗崩吾后祔葬之

武阿史那后

後周書曰武阿史那后突厥木杆可汗侯斤之女突厥蠕蠕而怒切後尽有塞表之地控弦十數方是陵逼中原太祖方于齊人爭衡結以為援侯斤初欲以女配帝保定伍年二月詔陳公純等備皇后文物及行殿拜六官已下一百二十人至侯斗牙帳所迎后侯斗又許齊人以婚將有異志純等在彼累載不得返命會雷風大起飄壞其穹虛等旬日不止矣斗大懼以為天譴去戰切乃礼送后及純等設行殿列羽儀舉之以歸高祖行親迎之礼后有姿貌善容止

高祖深敬焉宣帝即位尊為天元上皇太后隋開皇二年
殂年三十一隋文詔后祔葬孝陵

孝帝李后

後周書曰孝帝李后名娥姿楚人也于謹平江陵后家被
藉沒至長安太祖以后賜高祖高祖幸之生宣帝宣帝即
位尊為天元聖皇太后宣帝崩靜帝尊為大帝太后隋開
皇初出俗為尼改名常悲薨以尼礼葬之京城南

宣帝初皇后

後周書曰宣帝楊后名麗華隋文帝長女帝在東宮高祖

納后為皇太子妃宣政元年立為天元皇后性柔婉不妬
忌四皇后及嬪御等咸愛而仰之帝後昏暴滋甚喜怒乖
度嘗譴后欲如之罪后進止詳閑亂色不統帝太怒遂賜
后死逼令引决后母獨孤氏詣閤東謝叩頭流血然後得
免帝崩靜帝尊后為皇太后初宣帝不豫詔隋文帝入禁
中侍疾及大漸刘助鄭譯等因矯詔以后父受遺輔政后
雖初不豫謀然以嗣主幼冲恐懼在地族不利於已聞昉
譯已行此詔甚悅後知父有異圖意頗不平形於言色及
行禪代憤混愈甚隋文帝既不能譴責甚愧之間皇六年

封后為樂平公主後又議奪其志后誓不祥乃止大業中
姐祔葬定陵

宣朱后

後周書曰宣朱皇后名蒲月吳人也其家坐事沒入東宮
帝為太子后被選掌收服召而幸之遂生靜帝靜帝立尊
為天元太皇后本非良家子年又大帝十歲疎賤無寵
以靜帝之故特尊崇之宣帝崩靜帝即位尊為太后隋初
出俗為尼改儀浙僧後殂以尼禮葬之

宣城帝

大將軍山提之女

太皇后帝崩出俗

本尔朱

齊為時進開府

拜大將軍以后父起授上柱國餘文宗

伯

太子御覽卷第一百四十

太平御覽卷一百四十一

皇親部七

唐高祖竇皇后

太宗長孫皇后

高宗廢王皇后

中宗趙皇后

廢常皇后

上官昭容

睿宗劉皇后

竇皇后

玄宗廢王皇后

武皇后

楊貴妃

楊皇后

肅宗張皇后

吳皇后

代宗沈皇后

獨孤皇后

德宗王皇后

韋賢妃

憲宗郭皇后

穆宗王皇后

敬宗郭貴妃

昭宗何皇后

高祖竇皇妃

唐書曰高祖太穆順聖皇后竇氏京兆平陵人隋定州總管神武公毅之女也后母周武帝姊襄陽長公主后生而髮垂過頸三歲與身齊周武帝時愛重之養於宮中時武帝納突厥女為后無寵后尚幼竊言於帝曰四邊未靜突

厥尚強願舅抑情撫慰以蒼生為念但得突厥之助則江南關東不能為患矣武帝深納之毅聞之謂長公主曰此女才貌如此不可以妄許人當為求賢夫乃於門屏畫二孔雀諸公子有求婚者輒與兩箭射之潛約中目者許之前後數十輩莫能中高祖後至兩發各中一目毅大悅遂歸於我及周武帝崩后追思如喪所生隋文帝受禪后聞而流涕自投於床曰恨我不為男以救氏之難毅與長公主遽掩口曰汝勿妄言滅吾族矣后事元貞太后以孝聞太后素有羸疾時或危篤諸妙以太后性嚴惧進退皆稱

疾而退唯后晝夜扶持不脫衣履者動淹旬月善書與高祖書相數人莫能辨上第章而好存規誡太業中高祖爲扶風太守有駸馬數數及常言於高祖曰上好鷹愛馬公之所知此堪進御不可久留人或言者以爲累願孰思之高祖未決元以此復譴未幾后崩於涿郡時年四十五高祖追思后言方爲自安之計數求膺犬以進之俄而擢拜將軍因流涕謂諸子曰我早從汝母之言居此官久矣初葬壽安陵後附葬獻上元元年八月改上尊號曰大穆順聖皇后

太宗長孫皇后

唐書太宗順聖皇后長孫氏長安人隋右驍衛將軍晟之女也后少好讀書造次必循禮則年十三嬪于太宗武德元年册爲秦王妃九年册拜皇太子妃太宗即位立爲皇后后性尤儉約凡所服御取給而已太宗彌加待十年六月辛卯崩于位政殿時年三十六葬於昭陵后常撰古婦人善事勸戒十卷名曰女則自爲之序且誡主守者此吾以自妨閑耳婦人著述無條貫不欲至尊見之慎勿言崩後宮司以聞太宗覽而增慟以示近臣曰皇后此書足可

垂于後代我豈不違天命而不能割情乎以其善能規諫
補朕之闕今不復聞善言是內失一良佐以此益令人人
哀耳上元元年改上尊號曰文德順皇后

高宗廢王皇后

唐書曰高宗廢后王氏并州祁人也父仁祐同安長安主
郎之從祖母也公主以后有美色言於太宗遂納為晉王
妃高廢儲冊為皇太子妃永徽初立為皇后初武皇后貞
觀永太宗嬪御居於感業守后及左右數為之言高宗由
是復召入宮立為昭儀俄而漸承寵恩遂與后及良姊蕭

氏通相譖毀帝終不納后言而武昭儀寵日厚后惧不自
安密與母劉氏求巫氏厭勝事帝大怒斷柳氏不許入
宮將廢后長孫無忌褚遂良等固諫乃止俄又納李義府
之策永徽六年廢后及蕭良姊皆為庶人因別院武昭儀
令人皆縊殺之

中宗趙皇后

唐書曰中宗和思皇后趙氏京兆長安人父瓌尚高祖帝
樂公主中宗為英王時納后為妃既而妃母公主得罪妃
亦坐幽死於內侍省則天臨朝瓌為壽州刺史坐典越王

貞連謀被誅公主亦生死神龍元年贈后謚為恭皇后及
中宗崩將葬於定陵追謚后為和思莫知瘞所以皇后禘
衣於陵所寢宮柩寢置衣於寢輦以太牢告於衣遷於寢
宮舒於御榻之右覆以夷衾而祔葬焉

中宗廢韋皇后

唐書曰中宗常廢人京兆萬年人也中宗為太子時納后
為妃仍擢后父元貞為豫州刺史嗣聖元年立為皇后其
年中宗見廢后隨徙房州時中宗惧不自安每使至惶恐
欲自殺后勸王曰禍福倚伏何常之有豈夫一死何遽如

是也每同艱危情義甚篤所生懿德太子永泰永壽永寧
安樂四公主安樂最幼生於房州帝自脫衣裘之遂名曰
累兒特寵異焉及中宗復位立為太子又立后為妃中興
初復位立為皇后帝在房州時常謂后曰一朝見天日誓
不相禁忌及得志立受上官昭容邪說引武三思入宮升
御床與后雙六帝為點籌以為歡笑醜聲日聞于外景龍
四年六月帝遇暴崩后惧秘不發喪及臨淄王勒兵入內
后惧駭遁入殿前飛騎營及武延秀安樂公主皆為亂兵
所殺追貶為庶人

上官昭容

唐書曰中宗昭容名婉兒西臺侍郎儀之孫也父庭芝與儀同被誅婉兒時在襁褓隨配入掖庭及長有文詞明習史字則天時婉兒忤旨當誅則天惜其才不殺但黥其面而已自聖曆以後百司表奏多令參決中宗即位又令專掌制命深被信任尋拜為昭容婉兒既與武三思藩亂每下制勅多因事推尊武氏而排柳皇家節愍太子深惡之及舉兵至肅章門章扣閣索婉而大言曰覩其此意即當次索皇后以及大家帝與后隨激怒并將婉而至玄武門

接以避兵鋒俄而事定婉兒常勸帝廣置招文學士盛引當朝詞學之臣教賜遊宴賦詩唱和婉兒每代帝及后長寧安樂二公主數首並作辭甚綺麗時人咸諷誦之婉兒俄又通於吏部侍郎崔湜引知政事湜嘗充使開商山新路功未半而中宗崩婉兒草遺制曲叙加褒賞及韋庶人敗婉兒亦斬於旗下

睿宗劉皇后

唐書曰睿宗肅明順聖皇后劉氏父景延陝西刺史儀鳳中睿宗即位冊為皇后又降為皇嗣后從為降妃長壽中

與昭成皇后同被譴為則天所殺景雲元年追謚肅明皇后
后招魂葬於東都城南陵曰惠陵

睿宗寶皇后

唐書曰睿宗昭成順聖皇后寶氏父孝謙潤州刺史后姿
容婉順動循禮則睿宗為相王時納為孺人甚見禮厚光
宅元年立為德妃生玄宗金仙玉真二公主長壽二年為
戶婢團兒誣譖與肅明皇后厭蠱呪詛正月二日朝則天
皇后於嘉豫殿既退而同時遇害梓宮秘密莫知所在睿
宗即位謚曰昭成皇后招魂葬於城都之南陵曰靖陵

玄宗廢王皇后

唐書曰玄宗廢皇后王氏同州下邳人梁冀州刺史神念
之后上為臨淄時納為妃上將起事頗預密謀贊成大業
先年元年立為皇后以父仁皎為太僕卿后兄守一以后
無子嘗懼有廢立尊以符厭之事有左道僧明悟為孫南
北斗刻霹靂木書天地字及上諱合而佩之且呪曰佩此
有子當興則天皇后為此事發上親究之皆驗下制廢為
庶人守一賜死其年十月卒以一品禮葬於無相人卒寺
寶應元年雪冤復尊為皇后

玄宗武皇后

唐書曰玄宗貞順皇后武氏則天從父兄子恒安王攸止女也攸止卒後后尚幼隨例入宮上即位漸承恩寵及王庶人廢後特賜號為惠妃宮中禮秩一同皇后惠妃開元初產夏悼王及懷哀王上仙公主並襁褓不育上特賜傷悼及生壽王瑁不敢養於宮中命寧王惠於外養之又生盛王琦咸宜太華二公主惠妃惠妃以開元二十五年薨年四十餘

楊貴妃

唐書曰玄宗楊貴妃父玄瑛蜀州司戶妃幼孤養於叔父玄瓊開元初武惠妃特承恩遇故王皇后廢黜二十四年惠妃薨帝哀悼久之後庭數年無可意者或奏玄瑛女姿色冠代且蒙召見時妃衣道士服號曰太真既進見玄宗大悅不期歲恩禮如惠妃太真姿質豐艷善舞通音律智算過人每情躬承迎勅移上意宮中呼為娘子禮數寔同皇后有姊三人皆有才貌玄宗並封為國夫人天寶中安祿山大立邊功上深寵之祿山來朝帝令貴妃姊妹與祿山結為兄弟祿山辦事妃每宴賜賚稠沓及祿山叛露檄

數國忠之罪河北盜起玄宗以皇太子為天下兵馬元帥
監撫軍國事國忠大懼諸楊聚毀貴妃御土陳情帝遂不
行內禪及潼關失守從幸至馬嵬禁軍大將陳玄禮密白
太子誅國忠父子既而不敢玄宗遣力士宣問對曰賊本
尚在蓋指貴妃也力士復奏帝不獲已與妃訣遂縊死於
佛堂時年三十八瘞於駟西道側

玄宗楊皇后

唐書曰玄宗元獻皇后楊氏弘農華陰人景雲元年八月
選入太子宫時太平公主用事尤忌東宮宮中左右持兩

端而潛附平大者必陰伺察事雖纖芥皆聞於上太子心
不自安后時方娠太子密語侍讀張說曰用事者不欲吾
多恩齋恐禍及此婦人其如之何密令說懷去胎藥而入
太子於曲室躬自煮藥懸然似寐神人覆鬲既寤如薨如
是者三太子異之告說口曰天命也無他慮既而太平誅
后果生肅宗皇帝太子妃王氏無子后斑在下后不敢毋
肅宗為王妃所鞠慈甚所生開元中肅宗為忠王而妃
又生寧親公主張說以舊恩特承寵異苑亦奇忠王儀表
心知運歷所鍾故寧親公主降說子均開元十七年后薨

葬細柳原

肅宗張皇后

唐書曰肅宗張皇后本南陽西鄂人家昭應祖母竇氏玄宗母昭成皇太后之姊也昭成為太后所殺玄宗幼失所恃為竇姨鞠養景雲中封鄧國夫人父去逸天寶中選入太子宫為良姊后辨忠豐碩巧中上旨祿山之亂玄宗幸蜀太子與良姊俱從車駕渡渭百姓遮道請留太子收復長安肅宗性仁孝以上皇播越不欲遠離左右宦者李靖忠啓太子請留良姊贊成之於茲宗太子如靈武時已陷

京師從官單寡路道多虞每太子次舍宿正良姊必居其前太子曰捍禦非婦人之事何以居前良姊曰大家跋履險難兵衛多怨恐卒倉妾有當之大家可由后而出庶幾無惠及至靈武產子三日起縫戰士衣太子勞之曰產忌作勞安可容易后曰此非妾自養之時須辦大家事肅宗即位冊為淑妃贈父去逸左僕射母竇氏封義章縣主乾元元年冊為皇后肅宗崩太子監國遂移后於別殿內宮崩

肅宗吳皇后

唐書曰肅宗章敬皇后吳氏濮陽人后父坐事没入掖庭
開元三十二年玄宗幸忠王邸見服御肅然傍無媵侍命
將軍高力士選掖庭宮人賜之而后在籍中在止端麗性
無驕傲寵遇益隆明年生代宗皇帝二十八年薨葬春明
門外代宗即位群臣以肅宗山陵有期在禮以先太后祔

代宗沈皇后

唐書曰代宗睿真皇后沈氏吳興人世為冠族父彊執祕
書監開元末以良家子選入宮中賜太子生男廣平王天
寶元年生德宗皇帝祿山之亂玄宗幸蜀諸王妃主從幸

不及者多陷於賊后被囚於東都掖庭及太宗賊破散東
都見之留后於宮中方經畧北征未及迎歸長安依而史
思明再陷河洛及朝奠敗復收東都失后所在莫測存
亡代宗遣使求訪十餘年寂無所見德宗即位下詔追尊
為皇太后

代宗獨孤皇后

唐書曰太宗貞懿皇后獨孤氏父潁左威衛錄事恭軍后
以靈麗入宮嬖幸專房故長秋虛位諸姬罕所進御后始
冊為貴妃生韓王迴華陽公主大曆十年五月崩追謚曰

貞皇后殞於內殿累年不忍出宮十三年十月方葬命宰
臣常袞為哀冊

德宗王皇后

唐書曰德宗昭德皇后王氏父過官至秘書監德宗為魯
王時納后為嬪上元二年生順宗皇帝特承寵異德宗
即位冊為淑妃貞元二年妃病十一月甲午冊為皇后是
日崩于西儀殿

韋賢妃

唐書曰德宗韋賢妃不知氏族所出初為良婢貞元二年

冊為賢妃性敏慧言動必有禮德宗深重之六宮師其德
行及德宗崩請於崇陵終喪已因持於寢園元和四年薨

憲宗郭皇后

唐書曰憲宗懿安皇后郭氏尚父子儀之孫附馬都尉駿
之女母氏宗長女昇平公主憲宗為廣陵王時納后為妃
以母貴父祖有大勳於王室順宗深寵異之貞元十一年
生穆宗皇帝元和元年冊為貴妃時帝後庭多私愛以后
門族華盛慮正位之後不容嬖幸以是冊拜時穆宗嗣位
冊為皇太后敬宗即位尊為太皇太后宣宗繼統即后之

諸子也恩礼愈異於前朝大中年崩於興慶宮謚曰安祔
英于景陵后歷位七朝五居大册之尊人君行子孫之禮
福壽隆貴四十餘年雖漢之馬鄧無以加焉

穆宗王皇后

唐書曰穆宗恭僖皇后王氏越州人父紹卿婺州金華令
后少入太子宫元和四年生敬宗穆宗皇帝即位立為妃
長慶四年二月尊為皇太后文宗即位之初號寶曆太后


敬宗郭貴妃

唐書曰敬宗郭貴妃父義右武衛將軍長慶時以姿貌選

入太子宫敬宗即位為才人生晉王帝以少年有子復以
才人容德冠絕特寵異之俄册為貴妃

昭宗何皇后

唐書曰昭宗積善皇后何氏蜀人侍壽王邸姪麗多知特
承恩顧生德王輝王昭宗即位立為淑妃乾寧中車駕在
華州册為皇后天祐初朱全忠逼輿駕東幸洛陽其年八
月昭宗遇弒明年十二月全忠將僭位先行九錫然後禪
遣使至洛陽誅玄暉后亦被害於積善宮又殺阿秋阿虔
廢后為廢人



太平御覽卷第一百四十一終

天皇御紀

Faint vertical text columns, likely bleed-through from the reverse side of the page.

